



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

LOKALNO PARTNERSTVO ZA ZAPOŠLJAVANJE – LAKTAŠI

Osnovne informacije

Aktivnost: Obrada drveta i pčelarstvo

Lokacija: Laktaši, Banja Luka, Čelinac

Članovi partnerstva:

- LIR Evolucija (LIR)
- Opština Laktaši (OL)
- Škola učenika u privredi Banja Luka (ŠUP)
- Zavod za zapošljavanje Republike Srpske (ZZZRS)
- Karjinamed d.o.o. (KM)

Vrijednost aktivnosti: 199.642 EUR (sredstva EU: 179.650 EUR)

Vrijeme provođenja aktivnosti: juni 2017. - februar 2019.

Cilj: Obuka, prekvalifikacija i dokvalifikacija 60 nezaposlenih osoba u polju obrade drveta te zapošljavanje njih 50 u drvnoj industriji, obuka 10 nezaposlenih u polju pčelarstva i njihovo (samo)zapošljavanje, te povećanje zapošljivosti 40 nezaposlenih lica kroz kompjutersko opismenjanje i obuku o pisanju biografije i motivacionog pisma.

Ciljna grupa projekta su nezaposlena lica sa područja Laktaša, Čelinca i Banja Luke sa fokusom na mlade, žene, povratnike, manjine i teško zapošljiva lica.

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

Fra Anđela Zvizdovića 1, B/XII,
71000 Sarajevo, Bosna i Hercegovina
tel: + 387 33 29 57 36
fax: + 387 33 29 57 41
e-mail: lep@ilo.org
facebook.com/LEPSupport/
twitter.com/LEPSupport
www.partnerstvo.ba



OPIS

Potencijal za zapošljavanje u oblasti obrade drveta i pčelarstva

Na području opština Laktaši i Čelinac te Grada Banja Luka posluje veći broj preduzeća koja se bave izradom finalnih i poluproizvoda od drveta. Istovremeno na lokalnim tržištima rada nema dovoljno kvalifikovanih radnika koji bi se mogli uključiti u proizvodnju bez dodatnih ulaganja u njihovu obuku. Uzrok ovome je neusklađenost obrazovnih programa sa potrebama privrede tj. potrebama za konkretnim znanjima i vještinama koje se očekuju od radne snage. Obrazovni programi su uglavnom zastarjeli i fokusiraju se na teoriju dok je praktična nastava zanemarena.

Nadalje, procedure za uspostavljanje vlastitog obrta ili preduzeća su komplikovane i iziskuju mnogo vremena i novca te se ljudi teško odlučuju za takve poduhvate.

Dodatna prepreka zapošljavanju je i nedostatak znanja nezaposlenih o tome kako efektivno predstaviti sebe poslodavcima kroz pisanje biografije i motivacionog pisma te neinformisanost o tome gdje naći informacije o otvorenim radnim mjestima. Njihova kompjuterska pismenost je također na niskom nivou.

Prevazilaženje prepreka zapošljavanju

Lokalno partnerstvo za zapošljavanje Laktaši (Partnerstvo) će stoga svoje aktivnosti fokusirati na razvijanje i provođenje programa obuke o obradi drveta u saradnji sa privrednim subjektima iz drvne industrije u Laktašima, Čelincu i Banjaluci i na pružanju obuke u polju pčelarstva i poslovnog planiranja. Ovim će se smanjiti troškovi privrednih subjekata u drvnoj industriji koji će dobiti kvalifikovanu radnu snagu (60 novoobučeni radnika) bez velikih ulaganja dok će Partnerstvo pružiti samostalnim poduzetnicima (njih 10) podršku da pokrenu svoje biznise.

Partnerstvo će nadalje za 40 aktivnih tražioca posla organizovati obuku za kompjutersko opismenjavanje te o pisanju biografije i motivacionog pisma kao bi postali efektivniji tražioci posla te će ih informisati o tome gdje i kao naći oglase za nova radna mjesta.

Kako će se aktivnosti provoditi

- Odabir korisnika

Odabir korisnika aktivnosti Partnerstva će izvršiti svi partneri na osnovu informacija i evidencije ZZZRS i kroz direktnu komunikaciju sa potencijalnim kandidatima. Prednost će imati mladi, žene, povratnici, pripadnici manjinskih zajednica i teško zapošljiva lica.

- Nabavka opreme

Za potrebe provođenja tri vrte obuke i davanja poticaja za samozapošljavanje u pčelarstvu Partnerstvo će izvršiti nabavku sljedeće opreme:



- Obuka o obradi drveta: pet stolarskih radnih stolova, tri vrste cirkulara, dvije vrte bušilica, tri vrste pila, hoblarica, površinska glodarica, dvije vrte brusilica, usisivač za piljevinu te ostali potrebni alat, repromaterijal i zaštitna oprema za obuku;
- Obuka o pčelarstvu: 10 setova opereme za pčelarstvo uključujući zaštitna odjela i pčeraske noževe te 10 centrifuga za vađenje meda; i
- Obuka za kompjutersko opismenjavanje i pisanje biografije i motivacioniog pisma: 10 kompjutera, jedan laptop kompjuter i projektor.

Oprema koju nabavi Partnerstvo će ostati u vlasništvu ŠUP-a, ZZZRS-a i samozaposlenih pčelara.

- Razvoj i provođenje programa obuke

ŠUP i KM će zajedno razviti program obuke za tehničku obradu drveta koji će uključivati teoretski i praktični dio. ŠUP će provesti teorijski dio obuke koji će se fokusirati na preradu i tehnologije obrade drveta, te finalnu obradu drveta i oblikovanje drvnih proizvoda. ŠUP će također provesti i jedan dio praktične obuke u adaptiranoj učionici opremljenoj sa neophodnim mašinama i alatima. Drugi dio praktične obuke će biti realizovan u KM i drugim partnerskim preduzećima (budući poslodavci) na specijalizovanim mašinama koje koriste u proizvodnom procesu čime će se dodatno unaprijediti vještine polaznika obuke. Program obuka za obradu drveta, koji će biti pripremljen u skladu sa propisanom formom i podnesen na sertifikaciju Agenciji za obrazovanje odraslih Republike Srpske, će se organizovati u tri četveromjesečna ciklusa sa 20 polaznika u svakom ciklusu (ukupno 60 polaznika).

KM će nadalje u svojim prostorijama i na lokacijama gdje se nalaze košnice provesti program obuke iz pčelarstva za 10 polaznika. Obuka će uključivati upoznavanje sa osnovnim znanjima o pčelarstvu, razvoju pčelinjih zajednica, odabiru optimalnog terena, izboru vremenskih prilika za pašu pčela, te praktični dio o rukovanju pčelinjim zajednicama, košnicama i prikupljanju meda iz košnica (saća). Za ove polaznike će također biti organizovana i obuka o poslovnom planiranju kao bi se osigurala trajnost njihovog poslovanja.

Kao poveznica između ova dva programa obuke, jedan od proizvoda praktične obuke o obradi drveta će biti 50 košnica koje će biti dodjeljene novoobučeni pčelarima kao dio poticaja (5 košnica za svakog pčelara).

Obuku za kompjutersko oposmenjavanje i o pisanju biografija i motivacionih pisama će pripremiti LIR a biće izvedena u prostorijama Kluba za traženje posla u sklopu ZZZRS – Biro Banja Luka koji će za to biti opremljen kompjuterima i drugom potrebnom opremom. Obuka će se održati u dva ciklusa za grupe od po 20 polaznika.

- Zapošljavanje

Polaznici obuke o obradi drveta će na kraju obuke proći testiranje na osnovu kojeg će biti napravljena rang-lista. U skladu sa listom 50 od 60 polaznika obuke će biti zaposleno u KM i drugim partnerskim preduzećima.



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

Polaznici obuke o pčelarstvu će dobiti pet košnica sa matičnim stadom i opremu za pčelarstvo uključujući mašine za vrcanje meda.

- Održivost aktivnosti i zaposlenja

Partnerstvo će biti uspostavljeno kao stalno tijelo koje će nastaviti raditi i poslije završetka projekta Podrška lokalnim partnerstvima za zapošljavanje u Bosni Hercegovini kojeg finansira Evropska unija (EU) a provodi Međunarodna organizacija rada (ILO). Partnerstvo će pripremiti Analizu strukture nezaposlenih u Laktašima, Čelincu i Banjoj Luci (1.000 ispitanika) i potreba za radnom snagom (100 preduzeća). Na osnovu ovih informacija i u saradnji sa Opštinskim savjetom za privredu Partnerstvo će pripremiti Akcioni plan zapošljavanja za period 2018-2020 za Opštinu Laktaši koji će pored drvne industrije uključivati i metaloprerađivačku i prehrambenu industriju te turizam i poljoprivredu. Kao stalno tijelo Partnerstvo će nastaviti aplicirati za projekte i programe za podršku zapošljavanju.

Da bi doprinijelo razmjeni informacija o potrebama poslodavaca, dostupnim programima obuke i ponudi radne snage Partnerstvo će organizovati i Sajam poslova u Laktašima koji će se nastaviti održavati jednom godišnje.

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

Fra Anđela Zvizdovića 1, B/XII,
71000 Sarajevo, Bosna i Hercegovina
tel: + 387 33 29 57 36
fax: + 387 33 29 57 41
e-mail: lep@ilo.org
facebook.com/LEPSupport/
twitter.com/LEPSupport
www.partnerstvo.ba